



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

§. II. An valeat consuetudo, ut quis liberetur ab actu, alteri jure communi  
debito?

---

[urn:nbn:de:hbz:466:1-73031](#)

suevit in manu accipere, vel in extremitate palii, quod manu Prælati Ecclesiæ sustinetur, aut super altare ponendum sub testimonio videntium, & audiendum: respondit Pontifex: *quatenus donationes eorum, quæ sub obtentu consuetudinis clausis, Ecclesiis, vel quibuslibet locis religiosis piè conferuntur, etiam sunt collata, faciatis irrevocabiliter observari, cùm hujusmodi signum, quod scatatio dicitur, non tam factæ donationis, quam tradite possessionis sit evidens argumentum.* Ex hoc colliges, possessionem veram, ac propriam, absque ullo actu corporali, ex legis dispositione, seu Principiis potestate dari posse, intellige, quoad civiles effectus juris, qui tribuuntur vero possessori; & ulterius probatur ex c. *contingit 19. de dolo*, ubi missus in possessionem ex primo decreto, elapsō anno statim legis imperiō verus possessor constituitur; sic enim cit. c. 9. quod desumptum est ex Concilio generali, loquitur Innocentius III. contingit interdum, quod, cùm Actori ob contumaciam adversæ partis adjudicatur (*causā rei servandæ*) possessio: propter Rei potentiam sive dolum, Actor intra annum rem custodiendam nancisci non potest, vel acquisitam amittit: & sic (cùm secundū multotum assertionem verus non efficeretur post lapsum anni possessor) reportat commodum de malitia sua Reus. *Ne igitur contumax melioris, quam obediens, conditionis existat: de Canonica aequitate fancimus, ut in casu præmisso, Actor verus constituantur elapsō anno possessor.* Et ideo etiam verior, & in praxi recepta opinio eorum est, qui docent, illis, in quos possessio, *legis ministerio*, transfertur, remedia possessoria tam retinendæ, quam recuperandæ competere; sic Menochius *Remed. 1. recip. num. 397. & alii.*

## Q. II.

*An valeat consuetudo, ut quis liberetur ab actu, alteri jure communi debito?*

1757. **R**espōsio est affirmativa; nam licet jus commune canonicum assistat Capitulo, ut sine ipsius consilio Episcopus non procedat ad correctionem subditorum, consequenter resistat huic sine il-

lo procedere volenti; consuetudo tamen legitimè præscripta contra jus Capituli, ut Episcopus, etiam non requisito Capituli consensu, solus procedat, jure canonico approbatur in c. *Non est*, 3. b. t. in 6. ibi: non est (dum tamen aliàs sit præscripta canonice) consuetudo, quam allegat Episcopus, probanda: quod in inquirendis, puniendis, & corrigendis subditorum excessibus, consilium sui Capituli requiri minimè tenetur. *Quia tamen hic intervenit præscriptio propriæ dictæ, quæ scilicet diminuit, vel tollit jus Capitulo, meritò censet Layman in c. Non est, num. 2. requiri etiam bonam fidem in præscribente, ac titulum.* Ex hoc colliges, per consuetudinem rationabilem, & legitimè præscriptam, tolli posse solennitatem, quæ juris positivi dispositione, ad alicujus actus valorem requiritur. Nam sicut ea solennitas sola legis dispositione requiritur, sic etiam sola legis dispositione tolli potest; cùm ergo consuetudo rationabilis, & legitimè præscripta pro lege recipiatur, non est, unde illi talis effectus denegetur; colligitur ex cit. c. *Non est, juct. gloss. fin.*

Dices: vel Episcopus, qui allegavit 1758. consuetudinem præscriptam contra jus Capituli, scivit ejus consilium de jure requirendum esse, vel ignoravit? at in neutro casu præscribere potuit; probatur; nam in primo caruit bona fide, in secundo intercessit error juris, qui in usucaptionibus non prodest per L. *Juris ignorantia, 4. ff. de juris, & facti ignor.* Deinde per actus irritos non potest introduci consuetudo præscripta; at sententia Episcopi sine consilio Capituli nulla fuit, saltem antequam ea consuetudo completa est quoad tempus requisitum; ergo. Resp. et si verum sit, quod ignorantia juris clari non prosit præscribere volentibus secluso titulo, qui talem ignorantiam, seu errorem reddat inustum; secus tamen esse, si sit oppositum. Successores autem in Episcopatu, qui audierunt Antecessores processisse Capitulo non requisito, nec contradicente, meritò præsumere poterant, eos sic egisse ex indulto Papæ, esto id fortasse obreptitum fuisset, nisi hoc titulo, processerunt ex errore justo. Ad alterum Resp. id verum esse, quando nullitas oritur ex defectu solennitatis

nitatis naturali, non autem solius juris positivi.

## §. III.

An valeat consuetudo optandi meliores præbendas?

1759. **C**asus hic proponitur in c. fin. h. t. in 6. ubi Pontifex mandavit, ut Titio provideretur de præbenda proximè vacatura in tali Ecclesia, executione mandati commissa Cajo. Evenit autem, quod vacaret una ex melioribus præbendis; Cajo autem mandatum providendi Titio executioni dare volenti opposuerunt se Canonici, allegantes consuetudinem, quod ubi in sua Ecclesia vacaret melior præbenda, Canonicis antiquioribus licet eam optare, seu eligere secundum ordinem, ut si primus nollet eam optare, posset secundus, & sic deinceps. Re ad Pontificem de lata *consuetudo approbat a est*, cum manda to, ut Titio provideretur de præbenda, quæ post Canonicorum optiones remanerit, modo illa huic alio titulo debita non fuerit, ut constat ex textu ibi: *si mandamus alicui provideri de præbenda, nulli alii de jure debita, proximo inibi vacatura: bujusmodi non obstante mandato, poterunt ipsi antiquiores juxta consuetudinem eandem optare, cum præbenda vacabit, & illa, quæ optata non fuerit (si nulli sit debita) erit illi, pro quo scripsimus, conferenda.*

1760. Circa hujus facti contingentiam, & jus desuper firmatum, notandum cum Layman in cit. c. fin. num. 6. huic consuetudini non esse locum, quando contin git, præbendam vacare in Curia Ro mana, vel ubi est reservata. Nam inferiores sicut per legem, ita nec per consuetudinem à se introductam juri Summi Pontificis derogate possunt, c. *Inferior*, 14. *diss. 2 i. & c. Innotuit*, 20. *de elect.*

1761. Not. 2. dictam consuetudinem obtinere in beneficiis ad Papam devolutis. Nam hæc devolutio relinquit ejusmodi beneficia in sua natura, & qualitate; ergo si optimi eorum ex consuetudine locus erat seclusa devolutione, obtinebit etiam eam suppositam; ita D. Antoninus in cit. fin. num. 12. *Francus num. 7. &c. alii.* Not. 3. ne prætextu dictæ consuetuditinis provisiones auctoritate Apostolica faciendæ, ultra debitum differantur, statui, ut executores

super ipsis provisionibus deputati, optare volentes, per viginti dies duntaxat expectent: quibus elapsis libere in non optatis ad exequenda sibi mandata procedant; præfata consuetudine non obstante.

## §. IV.

De quibusdam consuetudinibus jure canonico in specie reprobatis.

1762. **E**x illis prima est consuetudo, quæ per se, ac directè magnum gravamen imponit Ecclesijs, vel Ecclesiasticis personis; tales enim esse irritas, & ut tales declarandas esse, constat ex c. 1. h. t. ibi: *consuetudines, quæ Ecclesijs gravamen introducere dignoscuntur, nostra nos decet consideratione remittere.* Unde etiam Urbanus VIII. in sua constitutione incip. *Romanus Pontifex*, 5. Julij, 1641. apud Faganum in c. 1. h. t. à n. 60. reprobat, & irritas decernit omnes consuetudines, tam Ecclesijs, quam Ecclesiasticis personis, eorumque juribus, ac bonis, & fructibus prejudicantes. Nam ejusmodi consuetudines, vi quarum Laici prætendunt ius aliquod in bona etiam temporalia Ecclesiistarum, vel in personas Ecclesiasticas, eorumque possessiones, perpetuo reprobatae sunt sub gravissimis poenis, & non solum juri humano tam canonico, quam civili, sed etiam divino adversantur, ut manifestum est ex dictis. à n. 616. V. infra n. 1767.

Secundò reprobatur consuetudo, ut in causis Ecclesiasticis decidendis, ubi quæritur, *quid juris sit?* admittantur etiam illiterati, seu minus intelligentes cum jure suffragij, quod vim obtineat ad decidendam causam post utriusque partis querelas hinc inde auditas, c. 3. h. t. ubi Innocentius III. sententiam, quæ taliter fertur, vocat latam à Judice non suo, quæ nullam habet firmitatem; & consuetudinem, ut tales in ejusmodi questionibus admittantur resolvendis, nullius momenti, quod canonicis obviet institutis.

1763. Reprobatur 3. consuetudo, quod Superior Ecclesiasticus in causis, saltem civilibus, debeat judicare juxta consilium, aut sententiam populi sibi subjecti. Et ideo populus, dum se subjectum profite tur, nulla consuetudine, vel præscriptione

Bb b obtine-